



САММИТ

ТҮРКІ МЕМЛЕКЕТТЕРІ ҰЙЫМЫ: БАУЫРЛАСТЫҚ ЖӘНЕ СЕГІЗ БАСЫМДЫҚ



Түркі мемлекеттері ұйымының Мемлекет басшылары кеңесінің 10-шы отырысы
2023 жылғы 3 қараша, Астана

10th Meeting of the Council of Heads of State of the Organization of Turkic States
Astana, November 3, 2023

TURKTIME!
Traditions Unification Reforms Knowledge Trust Investments Mediation Energy

Астанада Қасым-Жомарт Тоқаевтың төрағалығымен Түркі мемлекеттері ұйымының мерейтойлық X саммиті өтті. Ең бастысы, бауырлас елдердің бірлігін бекемдей түстік. Ортақ құндылықтарымызды төрткүл дүниеге таныттық. Біз бабалар өсиетін орындап, түркі елдерінің ынтымағын нығайтып келеміз. Ендігі мақсат – өзара сенімге және бауырластыққа негізделген бірлігімізді сақтап, өскелең ұрпаққа табыстау. Түркі әлемі жаһандық ықпалы бар елдермен тең дәрежеде қарым-қатынас жасап отыр. Басқа мемлекеттер біздің ұйымның ұстанымдарына баса мән беретін болды. Сондықтан түркі халықтарының ықпалдастығын арттыра түсу – бәрімізге ортақ міндет, – деді Мемлекет басшысы.

– «Түркі әлемінің келешегі – 2040» атты құжат бекітілді. Ең бастысы, бауырлас елдердің бірлігін бекемдей түстік. Ортақ құндылықтарымызды төрткүл дүниеге таныттық. Біз бабалар өсиетін орындап, түркі елдерінің ынтымағын нығайтып келеміз. Ендігі мақсат – өзара сенімге және бауырластыққа негізделген бірлігімізді сақтап, өскелең ұрпаққа табыстау. Түркі әлемі жаһандық ықпалы бар елдермен тең дәрежеде қарым-қатынас жасап отыр. Басқа мемлекеттер біздің ұйымның ұстанымдарына баса мән беретін болды. Сондықтан түркі халықтарының ықпалдастығын арттыра түсу – бәрімізге ортақ міндет, – деді Мемлекет басшысы.

ments), медиация (Mediation) және энергия (Energy) атты сегіз мәселеге басымдық беретінін атап өтіп, олардың әрқайсысына жеке-жеке тоқталды. Президенттің айтуынша, түркі бірлігін дәріптеудің маңызы зор. Өйткені біздің тарихымыз, мәдениетіміз, тіліміз және діліміз – ортақ. Осыған байланысты Түркі мемлекеттері ұйымының, оның құрылымдарының туларын және эмблемаларын бір үлгіге келтірген жөн.

– Бүгін өздеріңізге ұсынған осы құжатты бірге қарап, ортақ шешім қабылдаймыз. Бұл тарихи сәт болмақ. Тарихтан сыр шертетін ортақ мұрағатты зерттеп, ұрпаққа ақиқатты жеткізу – біздің парызымыз. Құзырлы органдарымызға беймәлім деректерді бірлесіп зерделеуді тапсыруды ұсынамыз. Бұл, шын мәнінде, маңызды жұмыс болмақ, себебі ортақ тарихымызда әлі де толық зерттелмеген ақпараттар бар. Сондай-ақ елдеріміздің телехикаяларын өзара насихаттау маңызды. Әсіресе, балаларға арналған анимациялық фильмдерді көбірек таратқан жөн. Бұған әлеуметтік желіні пайдалану, танымал ме-

диа тұлғаларды жұмылдыру керек деп есептейміз. Сол арқылы жастарымызды рухани тұрғыдан жақындастыруға мүмкіндік туары сөзсіз, – деді Президент.

Қасым-Жомарт Тоқаев түркі мемлекеттерінің қатар дамуы өте маңызды деп санайды. Бұл ретте Президент Ұйымға мүше елдердің стандарттары мен терминологиясын жүйелеуді ұсынды.

– Осыған байланысты модельдік заң жобасын қысқа мерзім ішінде қарап, оны мақұлдауға шақырамын. Бұл бастама тауарларымызды ортақ нарыққа еркін шығаруға жол ашады. Ал бірінші стандарттар ішкі жалпы өнімді жыл сайын шамамен 1 пайызға арттыруға мүмкіндік береді. Қазір елдеріміздің ішкі жалпы өнімі 1,4 триллион долларға жуықтады. Биылғы мүшелері арасындағы тауар айналымы 22 миллиард доллардан асты. Ортақ талаптар бекітілсе, бұл көрсеткішті 1,5 есе ұлғайтуға болады. Бұдан бөлек, Түркі мемлекеттері ұйымының Референттік орталығын құрған жөн деп санаймын. Бұл орталық өнімді сынау нәтижелерін өзара танауға, сондай-ақ химия және тамақ өнеркәсібі салаларында жаңа зерттеулерді жүргізуге мүмкіндік береді, – деді Қасым-Жомарт Тоқаев.

Президент атаған үшінші басымдық – реформалар. Мемлекет басшысы Ұйым қызметін онтайландыру және халықаралық ықпалдастық жөніндегі бірқатар ұсынысын ортаға салды.

– Түркі мемлекеттері ұйымы жанындағы Тұрақты өкілдерімізді тағайындау мәселесін тезірек шешуге шақырамын. Сондай-ақ хатшылық қызметкерлерінің санын көбейту туралы ұсынысты қолдаймыз. Түркі мемлекеттерінің сайлау саласындағы ынтымақтастығын нығайту қажет. Орталық сайлау органдарының консультативтік кеңесін құруға болады. Соңғы кезде біздің ұйымға халықаралық және аймақтық құрылымдардың қызығушылығы арта түсті. Біз Экономикалық ынтымақтастық ұйымына байқаушы мәртебесін беру туралы бастаманы қолдаймыз. Сонымен қатар Азық-түлік қауіпсіздігі жөніндегі Ислам ұйымымен ынтымақтастық орнатуды ұсынамыз, – деді Мемлекет басшысы.

Қасым-Жомарт Тоқаев ғылыми әріптестік арқылы білім және ғылым саласындағы ынтымақтастықты нығайту аса маңызды екеніне назар аударды. Бұл орайда Президент Ұйымға мүше елдердің басшыларына әлемдегі үздік университеттердің филиалдары мен тіл үйрететін бөлімдер ашуды, бірлескен ғылыми шаралар өткізіп, тәжірибе алмасуды, сондай-ақ жасанды интеллекті, цифрлық және аэроғарыш өнеркәсібін дамытуға ерекше назар аударуды ұсынды.

Мемлекет басшысының пікірінше, қазіргідей халықаралық ахуал тұрақсыз, алмағайып кезеңде түркі жұртының бірлігін бекемдей түсу маңызды.

ЖЕРІ ШҰРАЙЛЫ, ЕЛІ ШЫРАЙЛЫ – ШИЕЛІ



Құт-береке дарыған, ырыс-баққа жарыған, жері шұрайлы, елі шырайлы Сырдың қасиетті өңірінің бірі – Шиелі. Шыққан күннің шапағындай шуақты ауданның қуатты экономикасы халыққа қуаныш сыйлаған. Тұмса табиғаты тамылжыған, шығысында Қаратау мұнартып, батысында сарқырап Сырдария жатыр. Қырғауылы қыт-қыттап жолыңды кескен, жидесі жұпар атып, танауыңды жарған көрініс келбеті қандай?! «Өр бұтаның түбінде бір асым ет жатыр» деп Асан қағиы айтқандай, қалың тоғайды паналап балалаған аң-құсқа бай жер. Ресми құжаттар бойынша 1928 жылы ҚазақССР Кеңесі қаулысымен дербес аудан орталығы болып шаңырақ көтерген Шиеліге биыл 95 жыл! Облыстың 85 және ауданның атаулы жылын шиеліліктер де ерекше әлеуетімен тойлады. Сондықтан бұл жолы ат басын Шиелі ауданына бұрдық.

Айдар САЙЛАУОВ, «Сыр бойы»

4, 5-беттер

ЕКІ АУДАНДА ӘКІМ САЙЛАНАДЫ



Облыстық сайлау комиссиясының ақпаратына сүйенсек, 2 ауданда 70 мыңнан аса сайлаушы дауыс беруге қатысады. Оның 22101-і Сырдария, 50402-сі Шиелі ауданында тіркелген. Сайлау күні Сырдарияда 18, Шиеліде 40 учаске, барлығы 388 комиссия мүшесі қызмет атқарады. Барлық дауыс беру учаскелеріндегі кабинеттер талапқа сай жабдықталған. Мүтедектігі бар азаматтар үшін трафареттер және аудио нұсқадағы бюллетень толтыру ережесі көрсетілген аудиоматериалдар таратылды. Барлық сайлаушылар үшін қағаз түріндегі шақыру қағаздары және байланыс операторларымен жүргізілген келісім-шартқа сәйкес арнайы смс хабарлама жөнелтілуде. Дауыс беру күні 2 аудандағы 16 учаскеде онлайн сервис қолжетімді болады. Сайлау күні заң бұзушылықтарды болдырмау және қоғамдық тәртіпті сақтау үшін құқық қорғау органдары өкілдерінен арнайы кезекшілер бекітіліп отыр. Сондай-ақ аккредиттелген республикалық және жергілікті қоғамдық бірлестік өкілдері, кандидаттардың сенім білдірген азаматтары сайлау процесін бақылай алады.

Ертең, яғни 5 қараша күні Сырдария және Шиелі аудандарының әкімін сайлау өтеді. Пилоттық негіздегі сайлауға 2 ауданнан кандидат ретінде 6 азамат тіркеліп отыр. Олардың 2-і саяси партия атынан, 4-і өзін-өзі ұсынған.

«СБ» ақпарат

ДЕНСАУЛЫҚ ҚЫЗЫЛШАНЫ ҚАУІПСІЗ ДЕМЕҢІЗ

Елімізде қызылшаның таралуы бойынша жағдай күрделі. Жыл басынан бері 11 057 дерек тіркелген. Оның ішінде кесел жұқтырғандардың 83%-ы – 14 жасқа дейінгі балалар, 2,7% -ы – жасөспірімдер және 13,8%-ы – ересектер. Ауру барлық өңірде тіркелген. Атап айтқанда, Алматы қаласында 2031 жағдай, Шымкент қаласында 2026 жағдай, Жамбыл облысында 392 жағдай және Алматы облысында 1111 жағдай. Бұл туралы ҚР Денсаулық сақтау вице-министр Айжан Есмағамбетова Орталық коммуникациялар қызметінде өткен баспасөз мәслихатында хабарлады.



Айнұр БАТТАЛОВА, «Сыр бойы»

Оның айтуынша, қызылша вакциналау екенін ескере отырып, жұқтырғандардың дені вакцина алмаған. «Бұл ретте, 60%-да балалар егуден бас тартуға байланысты, 18,3%-да медициналық қарсы көрсетілім бойынша, 21%-ы жасы жетпейтін байланысты егілмеген. Аурудың алдын алудың бірден-бір шарасы вакциналау екенін ескере отырып, қызылшаның одан әрі таралмауы үшін 6 айдан, сондай-ақ 2 жастан 5 жасқа дейінгі балаларды және медицина қызметкерлерін қосымша вакциналауды енгізу жоспарланып отыр», – деді ол.

3-бет

ЕЛІ ШЫРАЙЛЫ – ШИЕЛІ



Аудан аумағында орналасқан киелі орын – Оқшы ата кесенесі. Жол бойынан өткен әр жолаушы міндетті түрде тоқтап, Құран бағыштайды. Тіпті өзге өңірден арнайылап келіп, ас беретіндер де аз емес.

Сонымен қатар Шиелі өндірісі мен өнеркәсібі жағынан да өзге аудандардан көш ілгері. Республика бойынша санаулы жерден ғана бой көтерген цемент зауытының біреуі ауданда орналасуы – үлкен жетістік. Бұйырса жақын болашақта «Шиелінің цементі» брендке айналатын құн алыс емес деп сенеміз. Сондай-ақ, ваннадий кен орны өнімді жұмыс жасап келеді. Бүгінде уран өндіру бойынша әлемнің қойбасшы мемлекеттерінің біріне айналды. Аудан аумағында орналасқан «РҰ-6» жауапкершілігі шектеулі серіктестігі Қазақстанның уран өндірісіне ерекше екіп беріп отырған мекеменің бірі. Ел экономикасының дамуына жерасты байлығымен өлшеусіз үлес қосып жатқандығы шиеліліктер үшін үлкен абырой.

Аудан демалыс орындарынан да кенде емес. Құн жылыса Бәйгеқұм ауылының жанындағы «Ханқожа» келіне демалушылар санында шек болмайды. Облыстың әр бұрышынан арнайылап келіп, тынығушылардың барлығы ерекше әсер алып қайтатыны анық. Уақыт өте бұл аумақ ауқымды туристік аймаққа айналары айқын.

Осындай шырайлы өлкеде шынайы еңбектің нәтижесі кейінгі

Бүгінгі таңда барлық елді мекендерде электр желілері 70-80 пайызға дейін тозған. Аталған жұмыстар жүргізілетін болса, ауа райының құбылмалы кезеңінде жарықтың жиі сөнугі секілді мәселелер шешімін табар еді.

Айта кетейік, электр желілерін ауыстыруға қатысты жұмыстар Шиелі кентінде де жүрде. Жоспарға сәйкес 2023-2024 жылдары кент бойынша 808 млн теңге қаражатқа барлық электр желілері жаңартылмақ. Бүгінде оның 100 млн теңгесі игерілді. Атап айтар болсақ, ауылдық округ әкімі «Ақмая» шаруа қожалығының демеушілігімен ауылдағы электр желілерін толықтай ауыстыруға қажетті құжаттарды дер кезінде дайындап, келер жылы 486 млн 329 мың теңге қаражатқа ауылдағы электр желілері мен бағаналарын жаңартуды көздеп отыр.

Халық сарыла күтіп отырған қуаныштар легі толастамақ емес. Бастысы, қаржысы бөлінді. Ауа райы құбылса қараңғылықтың құрсауында қалатын ауыл үшін жарқын күндер әлі алда.

етеді. Мектептің бәрі де – заманауи қалыпқа түскен білім ошақтары. Үш ауысымдық және апатты мектептер жок. 18 мемлекеттік, 75 жеке балабақша бар.

Шиелі тарихында бастауыш мектеп, негізгі мектеп, орта мектеп болып қалыптасқан білім мекемелері қазіргі таңда заман үдерісіне сай дамып келеді. Ауданда инновациялық мектептер мен орта мектептер арасында кәсіби серіктестік желісі қалыптасты, жас мамандарды қолдаудың әдістемелік даму ортасы құрылды, шығармашы ұстаздардың тәжірибесі таратылды.

Қазіргі таңда балалар теориялық білімді өмірде қолдану мақсатында ғылыми жұмыстармен айналысып, өсімдіктерді субстратты, субстратсыз ортада өсірудің түрлі технологияларын, биологиялық тыңайтқыштар алуда қалдықтарды өңдеудің тәсілдерін, химиялық препараттарды табиғи өнімнен

білімді, ұстаздары ұлағатты десек, 95 жылдық тарихында қарқынды дамып келе жатқан өңіріміздің кез келген саласының қызметкерлері мен еңбек адамдары, тұрғындары қашан да бірлігі жарасқан ел болашағы үшін еңбек етеді. Былғы жылдың өзінде салауатты өмір салтын қалыптастыру жолында спорт кешендерінің ашылуы, балаларға арналған ойын алаңдары мен демалыс аллеяларының қолға алынуы, орталықтанған кітапхана алдында жаңа үлгіде дамуы, балабақшалар мен мектептердің заманауи құрылғылармен қамтамасыз етілуі – білімге, ұрпақ тәрбиесіне мемлекеттің қолдауы деп білеміз, – дейді М.Ломоносов атындағы №47 мектеп-лицейінің директоры Сәуле Нұрманова.

Мемлекет тарапынан бүгінгі таңда педагог мәртебесіне ерекше көңіл бөлініп, әлеуметтік мәселелерге тиісті деңгейде қолдау көрсетіліп келеді. Оқушылар үйі, Өнер мектебі, «Сыр ұланы» тынығу жайы, «Самғау мектебі» және «Зияткер мектебі» сынды жеке мектептер де жұмыс істейді. Айта кетейік, ауданда 250 орындық жана мектеп жуық арада пайдалануға берілмек. Ауданда №9 олимпиадалық спорт мектебі, №10 балалар мен жасөспірімдер спорт мектебі және Шиелі спорт клубы, 3 стадион, 3 спорт кешені, 44 спортзал, 96 спорттық алаңдар салауатты өмір үшін қызмет етіп тұр.

ШҰҒЫЛА ШАШҚАН ШИЕЛІ

Қазіргі таңда Шиелі десе есіңізде бірден не түсер еді? Біз көзбен көрген ауданның әр түпкірінің, тау-тасының өзіндік тарихы мен ерекшелігі бар. Әр өңірдің аты аталғанда сол жердің абыройын асырған алыптары да қатар айтылады. Ал шиеліліктер несімен мақтанады? Бұл жолғы сапарда түйгінимізді қысқа қайырып айтар болсақ, шұғыла шашқан Шиелінің он брендін ой дәптерімізге астын сызып тұрып жазып қойдық.

Сонымен Шиелі десе кез келген жанның көз алдына күрші елестейтіні сөзсіз. Берекелі дақпылының арқасында ырысы молайып, қамбасы тасыған Шиелі ауданы



ең алдымен ақ күршімен танымал. Ал күршіті даңқты дикан Ыбырай Жақаевтан бөліп қарау мүмкін емес. Саналы ғұмырында кетпенің қолына алып, маңдай терімен күршіті баласындай баптаған рекордшының өзге емес, дәл Шиеліде туғаны үлкен мақтаныш.

Ауданның одан кейінгі бренді – қауыны. Кеңес одағының кезінде көршілес мемлекеттерге дейін экспортталған Шиелінің қауынынан бүгінде теміржол вокзалына тоқтаған әр жолаушы дәмін татып калуға тырысады. Жердің құнары қашқандығы мен берілетін дәрілердің әсерінен дәмі дәл бұрынғыдай болмаса да, қауынға деген сұраныс бәсеңдеген емес.

Шиелі – шағын болғанымен, біртұр тұлғаларды дүниеге әкелген киелі өлке. Олардың қоғамдағы орны мен артында қалдырған ізгі жолдарын ауданның әр тұрғыны мақтанышымен айтады. Есімдерін тізіп айтар болсақ, бір кітаптың мазмұны шығары хақ.





БІЛІМДЕ БӘСІ БИІК

Бабадан мирас болып қалған құндылықтарды мемлекетіміздің мәртебесі, келешегіміздің қазынасы, халқымыздың рухани жаңғыруы жолында іске жарату үшін әрине, білімді ұрпақ тәрбиелеу – бірінші міндет.

Ауданда жалпы білім беретін 38 мектеп жұмыс істейді, 3 мыңнан астам педагог қызметкер еңбек

алу зерттеулерін, баламалы энергия көздерін қолданудың түрлі жолдарын мектеп қабырғасында жүріп-ақ іске асыруда. Пәндік білімдері мен дағдыларын республикалық деңгейлерде көрсете отырып жоғары нәтижелерге жетуі, спорт, өнер бағытында биіктерді бағындыруы – шәкірттеріміздің аудан дамуына қосқан үлесі.

Осындай еңбектерімен ерекшеленген киелі Шиелі жерінің ұрпақтары



Қызылорда-Шиелі-Қызылорда

